

CCCXI.

*Lettre du Prince d'Orange au Magistrat de Gand. —
L'ennemi menace Audenarde. Munitions de toute
espèce à envoyer à cette place. (Arch. G.)*

Ce jourdhuy ay receu nouvelles que la cavallerie de l'ennemy ¹⁵⁸⁰
sest levee de Bouchain et senchemine droit vers Audenaerde, et ^{9 Septemb.}
daultant que vous scavez combien quicelle ville importe a la
Flandre et quelle est presentement despourveue de gens, pouldre,
munition, artillerie et provision de bled et sel, je vous prie
de y vouloir proveoir en diligence et leur envoyer sil est possible
promptement, la quantite de huit mille livres de pouldre, deulx
cens sacqz de sel, huit mille sacqz de bledt et cinq cent piques,
quest ce quilz me scrivent quil convient que leur soit envoye
presentement, craignans quilz seront assiegez devant que se
pourront appercevoir, et masseurant quen cecy ferez tout bon
devoir, je prieray Dieu vous donner,

Messieurs, avecq bonne sante heureuse vie et longue. D'An-
vers, le ix^e de septembre 1580.

Vostre bien bon amy a vous faire service,
GUILLE DE NASSAU.

Je vous envoye icy ioinct la lettre
que Monsieur de Mansard ma escrit
par la quelle pourrez veoir le tout
plus particulierement (1).

A Messieurs
les Eschevins et aultres du Conseil de la
ville de Gandt.

(1) Voyez le N^o CCCIX, t. II, p. 126.